



SLUŽBENE NOVINE GRADA ZENICA

GODINA XLI
Broj 4

Utorak 05.05.2015. godine

ISSN 1840-4588

GRADSKO VIJEĆE

60.

Na osnovu članova 36. Zakona o principima lokalne samouprave u Federaciji BiH («Službene novine Federacije BiH», br. 49/06 i 51/09) i člana 10. Privremene statutarne odluke («Službene novine općine Zenica», br. 6/14) Gradsko vijeće Zenica na petoj sjednici održanoj dana 28. aprila 2015. godine donosi

ODLUKU

o izmjeni Odluke o komunalnim taksama

Član 1.

U Odluci o komunalnim taksama („Službene novine Grada Zenica“ br. 2/15) član 14. se briše.

Član 2.

Ova odluka stupa na snagu danom objavljivanja u «Službenim novinama Grada Zenica».

Broj: 01-01-8418/15

Zenica, 28.04.2015. godine

PREDSJEDAVAJUĆI
GRADSKOG VIJEĆA ZENICA
Nebojša Nikolić, s.r

61.

Na osnovu člana 10. tačka 30. Privremene statutarne odluke Grada Zenica («Službene novine općine Zenica»; broj 6/14), člana 13. stav 1. Odluke o organizaciji mjesne samouprave («Službene novine općine Zenica», broj:1/10) i člana 37. Poslovnika Vijeća općine («Službene novine općine Zenica», broj: 2/10) Gradsko vijeće Zenica na petoj sjednici održanoj 28. aprila 2015. godine, donijelo je

ODLUKU

o dodjeli mandata kandidatima za predsjednika i članove savjeta MZ “Gorica”

Član 1.

Nisvetu Mahmiću dodjeljuje se mandat predsjednika Savjeta MZ “Gorica” kao sljedećem kandidatu s najvećim brojem osvojenih glasova, zbog podnošenja ostavke **Adnana Kaknje** na funkciju predsjednika MZ “Gorica”.

Član 2.

Fikretu Beganoviću dodjeljuje se mandat člana Savjeta MZ „Gorica“ kao sljedećem kandidatu s najvećim brojem osvojenih glasova, zbog podnošenja ostavke **Saliha Beganovića** na funkciju člana Savjeta MZ „Gorica“.

Član 3.

Halilu Beganoviću dodjeljuje se mandat člana Savjeta MZ „Gorica“ kao sljedećem kandidatu s najvećim brojem osvojenih glasova, zbog podnošenja ostavke **Avde Kovača** na funkciju člana Savjeta MZ „Gorica“.

Član 4.

Ova odluka stupa na snagu danom donošenja i objaviće se u “Službenim novinama Grada Zenica”.

Broj: 01-01-8423/15

Zenica, 28. april 2015. godine

PREDSJEDAVAJUĆI
GRADSKOG VIJEĆA ZENICA
Nebojša Nikolić, s.r

62.

Na osnovu člana 10. tačka 30. Privremene statutarne odluke Grada Zenica ("Službene novine općine Zenica"; broj 6/14), člana 13. stav 1. Odluke o organizaciji mjesne samouprave ("Službene novine općine Zenica", broj: 1/10) i člana 37. Poslovnika Vijeća općine ("Službene novine općine Zenica", broj: 2/10) Gradsko vijeće Zenica na petoj sjednici održanoj 28. aprila 2015. godine, donijelo je

ODLUKU

o dodjeli mandata kandidatu za člana savjeta MZ "Bistrica"

Član 1.

Bekan Mehmedu dodjeljuje se mandat člana Savjeta MZ „Bistrica“ kao sljedećem kandidatu s najvećim brojem osvojenih glasova po osnovu teritorijalnog principa, zbog podnošenja ostavke **Vernesa Menzilovića** na funkciju člana Savjeta MZ „Gorica“.

Član 2.

Ova odluka stupa na snagu danom donošenja i objaviće se u "Službenim novinama Grada Zenica".

Broj: 01-01-8424/15

Zenica, 28. april 2015. godine

PREDSJEDAVAJUĆI
GRADSKOG VIJEĆA ZENICA
Nebojša Nikolić, s.r

63.

Na osnovu člana 10. Privremene Statutarne Odluke Grada Zenica ("Službene novine Općine Zenica" broj: 6/14) i člana 51. Odluke o građevinskom zemljištu Općine Zenica ("Službene novine Općine Zenica" broj: 4/07-prečišćen tekst) Gradsko vijeće Zenica, na prijedlog Uprave za imovinsko pravne, geodetske poslove i katastar nekretnina, na svojoj petoj sjednici održanoj dana 28. aprila 2015. godine, donijelo je

RJEŠENJE

o pretvaranju dijela javne površine u građevinsko zemljište

1. Odobrava se pretvaranje dijela javne površine, koja predstavlja sastavni dio parcele označene kao:
 - k.č. (n.p.) 4212/1 zv.JNA, ulica, upisana kao posjed DS-javni putevi sa 1/1 dijela u p.l.-u 550 k.o. Zenica II, u građevinsko zemljište površine 54 m² i njeno pripajanje parceli, koja pripada već izgrađenom objektu koji se nalazi u ul. Londža broj 126, u Zenici, izgrađenom na parceli označenoj kao
 - k.č. (n.p.) 1306 zv. Šolajina, kuća i zgrada, upisana u p.l. 575 k.o. Zenica II, što po s.p. odgovara k.č. 175/21 zv. kućište i dvorište, kuća i zgrada, upisana u zk. ul.3830 k.o. Zenica.
2. Ovim Rješenjem dozvoljava se promjena oblika i površine gradskog građevinskog zemljišta u k.o. Zenica II po n.p., odnosno u k.o. Zenica po s.p., a na parcelama označenim u tački 1 dispozitiva ovog rješenja.
3. Uprava za imovinsko-pravne, geodetske poslove i katastar nekretnina će nakon stupanja na snagu ovog rješenja i dostavljenog prijavnog lista "B" br. 3/15 u katastarskom operatu provesti utvrđene promjene, kako bi se površina parcele k.č. (n.p.) 4212/1 zv. JNA p.l. 550 k.o. Zenica II, umanjila za površinu od 54 m², a površina parcele k.č. (n.p.) 1306 zv.kućište i dvorište, k.o. Zenica II uvećala za 54 m².
4. Zemljišno knjižni ured Općinskog suda u Zenici će nakon stupanja na snagu ovog rješenja i dostavljanja prijavnog lista "A" br. 3/15.g. provesti utvrđene promjene, kako bi se površina na objektu izgrađenom na parceli označenoj kao k.č. br. 175/21kuća i zgrada, upisana u zk. ul. 3830 k.o. Zenica, uvećala za 54 m².
5. Rješenje stupa na snagu danom donošenja, a objavit će se u "Službenim novinama Općine Zenica".

Obrazloženje

Uprava za imovinsko pravne, geodetske poslove i katastar nekretnina dostavila je Gradskom Vijeću Zenica prijedlog za donošenje rješenja o pretvaranju dijela javne površine u građevinsko zemljište na način kako je to utvrđeno dispozitivom ovog rješenja, uz napomenu da je prethodno Služba za prostorno uređenje donijela rješenje o urbanističkoj saglasnosti broj: 06-23-1814/13 od 12.01.2015. godine.

Istom je »AKSA» d.o.o. Zenica, koja je podnijela zahtjev u ime i za račun vlasnika pet poslovnih prostora u Ul. Londža broj 126, a prema utvrđenim urbanističko tehničkim uslovima, data mogućnost proširenja poslovnog prostora koji se nalazi u stambeno poslovnom objektu lociranom na parceli k.č. (n.p.) 1306 upisana u p.l. 550 k.o Zenica II, što po s.p. odgovara k.č. 175/21 k.o.Crkvice, u ukupnoj površini od 54 m², od toga:

- «Brojler-trgovina» 10m², «Ekmek-proizvodnja i prodaja peciva» 16m², «Palma-caffe slastičarna» 17,50m² (18) i «Palma-burekdžinica» 10m² (ukupno 54m²).

Članom 5. Odluke o građevinskom zemljištu propisano je da Odluku o pretvaranju dijela javne površine u građevinsko zemljište, koje se pripaja zemljištu za redovnu upotrebu već izgrađenog objekta donosi Vijeće Općine, a stavom 2. istog člana propisano je da Ugovor sa investitorom zaključuje Načelnik Općine.

S obzirom na to da predmetno proširenje podrazumijeva zauzimanje i dijela javne površine koji je sastavni dio parcele opisane u tački 1. dispozitiva i koja se nalazi neposredno uz stambeno poslovni objekat u ul. Londža br. 126. u Zenici, to je od Vijeća Općine, a shodno odredbama člana 51. Odluke o građevinskom zemljištu Općine Zenica zatraženo pretvaranje tog dijela javne površine u građevinsko zemljište i pripajanje istog parceli postojećeg objekta, s tim što je zbog tehničke nemogućnosti provođenja decimalnih površina zemljišta u javnim knjigama predloženo zaokruživanje iste na 54 m².

Radi stvaranja uslova za zaključivanje Ugovora sa podnosiocem zahtjeva za proširenje poslovnog prostora, a polazeći od odredaba člana 49. i 51. Stav 2. Odluke o građevinskom zemljištu Općine Zenica, predloženo je donošenje ovog rješenja.

Cijeneći dostavljeni prijedlog opravdanim i u cjelosti usaglašenim s Odlukom o građevinskom zemljištu odlučeno je kao u izreci ovog rješenja

Broj: 01-23-8419/15

Zenica, 28.04.2015. godine

PREDSJEDAVAJUĆI
GRADSKOG VIJEĆA ZENICA
Nebojša Nikolić, s.r

64.

Na osnovu člana 2.12. Izbornog zakona Bosne i Hercegovine ("Službeni glasnik BiH", broj: 23/01,7/02, 9/02, 20/02, 25/02, 4/04, 20/04, 25/05, 65/05, 77/05, 11/06, 24/06, 32/07, 33/08, 37/08, 32/10, 18/13 i 07/14) i člana 10. tačka 18. Privremene statutarne odluke Grada Zenica ("Službene novine općine Zenica", broj: 6/14) Gradsko vijeće Zenica na trećoj sjednici održanoj 12. februara 2015. godine, donijelo je

RJEŠENJE

o razrješenju Općinske izborne komisije Zenica

Član 1.

Općinska izborna komisija Zenica u sastavu:

1. mr. Selver Keleštura, predsjednik
2. Nihad Pašalić, član
3. Željka Marković-Sekulić, član
4. Puniša Rešetar, član
5. Haris Hrgić, član,

razrješava se dužnosti zbog isteka mandata.

Član 2.

Članovi Općinske izborne komisije Zenica imenovani su Rješenjem Vijeća općine Zneica broj:01-01-28844/02 od 30.11.2007. godine, a na koje je data saglasnost Centralne izborne komisije Bosne i Hercegovine Odlukom broj: 01-07-1-1212-2/07 od 24.01.2008. godine.

Član 3.

Ovo rješenje stupa na snagu danom davanja saglasnosti Centralne izborne komisije Bosne i Hercegovine i objaviće se u „Službenim novinama Grada Zenica“.

Broj:01- 01-2699-1/15

Zenica, 12. februar 2015. godine

PREDSJEDAVAJUĆI
GRADSKOG VIJEĆA ZENICA
Nebojša Nikolić, s.r

GRADONAČELNIK

65.

Na osnovu člana 45. Odluke o komunalnom redu (« Službene novine općine Zenica», broj 4/99, 5/03, 5 /11) i člana 11. Privremene statutarne odluke Grada Zenica, («Službene novine općine Zenica», broj 6/14) Gradonačelnik Grada Zenice na prijedlog Službe za prostorno uređenje i JP za prostornu planiranju i uređenje grada «Zenica» Zenica, d o n o s i

T A R I F N I K**o visini naknade za korišćenje javnih površina****Član 1.**

Ovim Tarifnikom utvrđuje se visina mjesečne naknade za korišćenje 1 m² javne površine kako slijedi:

Tarifni broj 1.

1. za korišćenje lokacije postojećih kioska

a) ugostiteljske djelatnosti :

E zona	20,00	KM
Ia	15,00	KM
I	10,00	KM
II	9,00	KM
III	7,00	KM

b) trgovačke djelatnosti :

E zona	17,00	KM
Ia	12,00	KM
I	8,00	KM
II	7,00	KM
III	6,00	KM

c) zanatsko-uslužne i druge djelatnosti:

E zona	11,00	KM
Ia	8,00	KM
I.....	5,00	KM
II.....	4,50	KM
III.....	4,00	KM

Tarifni broj 2.

1. za postavljanje „ zimskih bašti“

E zona.....	13,00	KM
Ia.....	9,00	KM
I.....	6,00	KM
II.....	5,50	KM
III.....	5,00	KM

2. za postavljanje ljetnih bašti ispred ugostiteljskih objekata (sa grejs periodom)

E zoni.....	10,00	KM
Ia.....	7,60	KM
I.....	4,80	KM
II.....	4,30	KM
III.....	3,90	KM

3. za postavljanje ljetnih bašti ispred ugostiteljskih objekata (bez grejs perioda)

E zona.....	10,00	KM
Ia	8,50	KM
I.....	4,90	KM
II.....	4,30	KM
III.....	3,80	KM

4. za postavljanje ljetnih bašti u slobodnom prostoru (udaljenom od matične ugostiteljske radnje) :

E zona.....	12,00	KM
Ia	7,60	KM
I.....	4,80	KM
II.....	4,30	KM
III.....	3,90	KM

5. za zadržavanje konstrukcije tendi u zimskom periodu (bez grejs perioda)

E zona.....	4,00	KM
Ia	3,50	KM
I.....	2,00	KM
II.....	1,50	KM
III.....	1,50	KM

(Napomena: - puna ljetna sezona za bašte na rijeci Bosni iznosi 5 mjeseci).

Tarifni broj 3.

1. za postavljanje svih vrsta tezgi i uređaja radi obavljanja prodaje ili vršenja propagande, kao i za parkiranje vozila iz kojih se vrši neposredna prodaja:

E zona.....	15,00	KM
Ia	10,00	KM
I.....	7,00	KM
II.....	6,00	KM
II	5,00	KM

Tarifni broj 4.

1. za zauzimanje javne površine za izlaganje slika, prodaju novina i sl.

E zoni.....	12,00	KM
Ia.....	8,00	KM
I.....	5,00	KM
II.....	4,50	KM
III.....	3,00	KM

Tarifni broj 5.

1. za postavljanje gradilišne ograde, odnosno formiranje površine sa koje se vrši građenje objekata:

E zoni.....	6,00	KM
Ia	5,00	KM
I.....	2,00	KM
II.....	1,50	KM
III.....	1,00	KM

Tarifni broj 6.

1. za postavljanje građevinskih fasadnih skela radi izvođenja radova na čišćenju i popravci (preko 30 dana):

E zona.....	15,00	KM
Ia	10,00	KM
I.....	6,00	KM
II.....	5,00	KM
III.....	4,00	KM

Tarifni broj 7.

1. za korišćenje javne površine u svrhu održavanja pozorišnih predstava, koncerata i sličnih javnih priredbi:

E zona.....	12,00	KM
Ia	8,00	KM
I.....	5,00	KM
II.....	4,50	KM
III.....	3,00	KM

Tarifni broj 8.

1. za postavljanje cirkusa, luna parkova, ringšpila, trambolina, dječijih autića i vozića, kao i drugih zabavnih radnji:

E zona.....	10,00	KM
Ia	6,00	KM
I.....	4,00	KM
II.....	3,50	KM
III.....	3,00	KM

Tarifni broj 9.

1. za postavljanje reklamnih panoa, putokaza, natkrivenih javnih površina - tendi:

E zona.....	8,00	KM
Ia	5,00	KM
I.....	4,00	KM
II.....	3,50	KM
III.....	3,00	KM

Tarifni broj 10.

1. za rezervisanje parking prostora ispred poslovnih objekata u toku cijele godine

E zona.....	5,00	KM
Ia	3,50	KM
I.....	2,50	KM
II.....	2,00	KM
III.....	1,50	KM

2. za rezervisanje parking prostora (sezonski)

E zona.....	8,00	KM
Ia	5,00	KM
I.....	4,00	KM
II.....	3,00	KM
III.....	2,50	KM

Tarifni broj 11.

1. za izgradnju privremenih prelaza, stepeništa i sl.

E zona.....	3,00	KM
Ia	2,50	KM
I.....	2,00	KM
II.....	1,50	KM
III.....	1,00	KM

Tarifni broj 12.

1. za korišćenje javne površine za igre na otvorenom :

E zona.....	25,00	KM po igri
Ia	20,00	KM po igri
I.....	18,00	KM po igri
II.....	15,00	KM po igri
III.....	12,00	KM po igri

Tarifni broj 13.

1. za postavljanje štandova za sve praznike do 5 dana plaća se 15,00 KM po danu, a preko 5 dana svaki sljedeći dan plaća se po 8,00 KM.

2. za postavljanje promotivnih štandova 40,00 KM po danu.

Član 2.

Naknada za privremeno korišćenje javne površine plaća se unapred u postupku izdavanja odobrenja za korišćenje javne površine i to:

ako je ugovoreno vrijeme korišćenja javne površine kraće od godinu dana, naknada se plaća odjedanput za čitavo vrijeme trajanja zakupa, ako je ugovoreno vrijeme korišćenja javne površine duže od godine dana, naknada se plaća unapred kvartalno do 5.u početnom kvartalu mjeseca,

Član 3.

Zona E u smislu ovog tarifnika obuhvata Trg Alije Izetbegovića , ul. Stara čaršija, te raskrsnice ul. Trg Alije Izetbegovića, ul. Talića brdo, plato kina «Zenica» i ul. Londža.

Zona Ia obuhvata ul. Maršala Tita (od Carine do Kamenog mosta) ul. Islambegovića put , S.bega Bašagića, M.S.Serdarevića , Kulina bana, Bulevar Kralja Tvrtka, Kučukovića put, ul. Branilaca Bosne, Sarajevska i Armije BiH.

Član 4.

Obračun naknade u ostalim ulicama vršiće se po zonama utvrđenim Odlukom o građevinskom zemljištu (« Službene novine Zeničko-Dobojskog kantona br. 4/07- prečišćen tekst, 2/08,5/08,1/10,2/11,2/12,2/13,1/14).

Član 5.

Stupanjem na snagu ovog Tarifnika prestaje da važi Tarifnik o visini zakupine za korišćenje javne površine («Sl.novine općine Zenica»,broj 3/06 , 5/08) i stavlja se van snage Tarifnik o visini zakupine za korišćenje javne površine („Službene novine općine Zenica“,broj 2/15).

Član 6.

Ovaj Tarifnik stupa na snagu danom donošenja, a objaviće se u «Službenim novinama Grada Zenica».

Broj: 02-14-7749/15

Datum: 20.04.2015.g

GRADONAČELNIK

Husejin Smajlović, s.r.

66.

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine (“Službene novine FBiH”, broj: 12/03 i 34/03) i člana 12. tačka 6. Privremene statutarne odluke Grada Zenica (“Službene novine općine Zenica”, broj 6/14), Gradonačelnik, donosi

R J E Š E N J E

o imenovanju direktora JU „Dom - porodica“ Zenica

I

BRANISLAV DILBER, VŠS, ekonomista unutrašnjeg prometa, iz Zenice, imenuje se za direktora Javne ustanove „Dom - porodica“ Zenica.

II

Ovo rješenje stupa na snagu danom donošenja, a objavit će se u „Službenim novinama Federacije BiH“ i „Službenim novinama Grada Zenica“.

Broj:02-14-5663/15

Zenica, 19. mart 2015. godine

GRADONAČELNIK
Husejin Smajlović, s.r.

67.

Na osnovu člana 12. tačka 5. i 19. Privremene statutarne odluke Grada Zenica („Službene novine općine Zenica“, broj 6/14), člana 19. i 22. Statuta JP „Parking servis“ d.o.o. Zenica („Službene novine općine Zenica“, broj 4/07), a u vezi sa članom 12. Zakona o javnim preduzećima Federacije Bosne i Hercegovine („Službene novine FBiH“, broj:8/05,81/08 i 22/09) Gradonačelnik, u funkciji Skupštine JP „Parking servis“ d.o.o. Zenica, donosi

ZAKLJUČAK

**o davanju saglasnosti na Odluku o
razrješenju vršioca dužnosti direktora JP
“Parking servis” d.o.o. Zenica**

I

Daje se saglasnost na Odluku Nadzornog odbora JP „Parking servis“ d.o.o. Zenica broj:1377/15 od 20.04.2015. godine o razrješenju Enesa Imamovića, v.d. direktora JP „Parking servis“ d.o.o. Zenica sa 30.04.2015. godine, zbog podnošenja ostavke.

II

Ovaj zaključak stupa na snagu danom donošenja i objavit će se u „Službenim novinama Grada Zenica“.

Broj: 02-49-7908/15

Zenica, 23. april 2015. godine

GRADONAČELNIK
Husejin Smajlović, s.r.

68.

Na osnovu člana 12. tačka 5. i 19. Privremene statutarne odluke Grada Zenica („Službene novine općine Zenica“, broj 6/14), člana 19. i 22. Statuta JP „Parking servis“ d.o.o. Zenica („Službene novine općine Zenica“, broj 4/07), a u vezi sa članom 12. Zakona o javnim preduzećima Federacije Bosne i Hercegovine („Službene novine FBiH“, broj:8/05,81/08 i 22/09) Gradonačelnik, u funkciji Skupštine JP „Parking servis“ d.o.o. Zenica, donosi

ZAKLJUČAK

**o davanju saglasnosti na Odluku o
imenovanju vršioca dužnosti direktora JP
“Parking servis” d.o.o. Zenica**

I

Daje se saglasnost na Odluku Nadzornog odbora JP „Parking servis“ d.o.o. Zenica broj:1377/15 od 20.04.2015. godine o imenovanju Envera Talića za vršioca dužnosti direktora JP „Parking servis“ d.o.o. Zenica počev od 01.05.2015. godine, do okončanja postupka izbora i imenovanja direktora JP „Parking servis“ d.o.o. Zenica.

II

Ovaj zaključak stupa na snagu danom donošenja i objavit će se u „Službenim novinama Grada Zenica“.

Broj: 02-49-7908/15-1

Zenica, 23. april 2015. godine

GRADONAČELNIK
Husejin Smajlović, s.r.

69.

Na osnovu člana 10. tačka 4. Zakona o udruženjima i fondacijama („Službene novine FBiH“, broj: 45 / 02) i člana 12. tačka 6. Privremene statutarne odluke Grada Zenica („Službene novine općine Zenica“, broj: 6 / 14), Gradonačelnik Zenice, donosi

ZAKLJUČAK

o odobravanju unošenja naziva Grada Zenica u naziv udruženja

I

Odobrava se korištenje naziva „Grad Zenica“ u nazivu Udruženja „SAVEZ IZVIĐAČA GRADA ZENICA“ iz Zenice.

II

Ovaj zaključak stupa na snagu danom donošenja, a objavit će se u „Službenim novinama Grada Zenica“.

Broj: 02- 49-7946/15

Zenica, 29. 04. 2015. godine

GRADONAČELNIK
Husejin Smajlović, s.r.

70.

Na osnovu člana 10. tačka 4. Zakona o udruženjima i fondacijama („Službene novine FBiH“, broj: 45/02) i člana 12. tačka 6. Privremene statutarne odluke Grada Zenica („Službene novine Općine Zenica“, broj 6/14) Gradonačelnik grada Zenica donosi

ZAKLJUČAK

o odobravanju unošenja naziva Grada Zenica u naziv udruženja

I

Odobrava se unošenje naziva „Grada Zenica“ u naziv udruženja „Savez amaterskih umjetničkih društava Grada Zenica“ iz Zenice.

II

Ovaj Zaključak stupa na snagu danom donošenja, a objavit će se u „Službenim novinama Grada Zenica“.

Broj: 02-49-3682/15

Zenica, 17.03.2015. godine

GRADONAČELNIK
Husejin Smajlović, s.r.

71.

U vezi sa članom 210.Zakona o zdravstvenoj zaštiti („Službene novine FBiH“, broj: 46/10) i članom 3.Pra-vilnika o načinu pregleda umrlih,te utvrđivanju vremena i uzroka smrti („Službene novine FBiH“, broj: 79/13 i 9/14),a na osnovu člana 12.stav 1. tačka 6. Privremene statutarne odluke Grada Zenica („Službene novine općine Zenica”,broj : 6/14), Gradonačelnik Zenice, donosi

ZAKLJUČAK

o stavljanju van snage zaključka o odobravanju sredstava na ime troškova utvrđivanja nastupa smrti, vremena i uzroka smrti građana umrlih izvan zdravstvene ustanove na području općine Zenica

I

Ovim zaključkom stavlja se van snage Zaključak o odobravanju sredstava na ime troškova utvrđivanja nastupa smrti, vremena i uzroka smrti građana umrlih izvan zdravstvene ustanove na području općine Zenica,broj : 02 - 14 - 5418 / 05 od 30.03.2005.godine.

II

Ovaj zaključak stupa na snagu danom donošenja, a objavit će se u „Službenim novinama Grada Zenica“.

Broj : 02 - 35 - 1307 /15

Zenica, 23.04. 2015.godine

GRADONAČELNIK
Husejin Smajlović, s.r.

72.

U skladu sa članom 3. Pravilnika o utvrđivanju i načinu vođenja Registra budžetskih korisnika Budžeta u FBiH ("Službene novine FBiH" broj 30/14) Pomoćnik Gradonačelnika uspostavlja

REGISTAR BUDŽETSKIH KORISNIKA GRADA ZENICA

RBK broj	Naziv budžetskog korisnika	Adresa	Identifikacioni broj (ID broj)	Organizacioni kod
1	Gradsko vijeće	Trg Bosne i Hercegovine br. 6	4218268390006	10010001
2	Gradonačelnik	Trg Bosne i Hercegovine br. 6	4218237080009	11010001
3	Služba civilne zaštite	Trg Bosne i Hercegovine br. 6	4218237080009	12010001
4	Služba za ekonomske odnose i poduzetništvo	Trg Bosne i Hercegovine br. 6	4218237080009	13010001
5	Služba za budžet i finansije	Trg Bosne i Hercegovine br. 6	4218237080009	14010001
6	Služba za prostorno uređenje	Trg Bosne i Hercegovine br. 6	4218237080009	15010001
7	Služba za komunalne poslove i ekologiju	Trg Bosne i Hercegovine br. 6	4218237080009	16010001
8	Služba za opću upravu i stambene poslove	Trg Bosne i Hercegovine br. 6	4218237080009	17010001
9	Služba za društvene djelatnosti i socijalnu zaštitu	Trg Bosne i Hercegovine br. 6	4218237080009	18010001
10	JU Centar za socijalni rad	Saliha Cakana Mulalića br. 5	4218027350003	18010002
11	Služba za boračko-invalidsku zaštitu	Trg Bosne i Hercegovine br. 6	4218237080009	19010001
12	Stručna služba Gradskog vijeća i Gradonačelnika	Trg Bosne i Hercegovine br. 6	4218237080009	20010001
13	Služba za zajedničke poslove	Trg Bosne i Hercegovine br. 6	4218237080009	21010001
14	Uprava za imovinsko-pravne, geodetske poslove i katastar nekretnina	Trg Bosne i Hercegovine br. 6	4218237080009	22010001
15	Služba za inspeksijske poslove	Muhameda Seida Serdarevića br. 1	4218237080009	23010001
16	Gradsko pravobranilaštvo	Kočevska čikma br. 2	4218237080009	24010001

Broj: 05-14-8104/15

Zenica, 27.04.2015. godine

POMOĆNIK GRADONAČELNIKA

Dževad Selimović, dipl.oec

73.

Na osnovu člana 6. Zakona o javnim preduzećima ("Službene novine Federacije" BiH br. 8/05), člana 317. Zakona o privrednim preduzećima ("Službene novine Federacije BiH" br. 23/99, 45/00, 2/02, 6/02, 29/03, 68/05, 91/07), a u vezi čl. 25. stav 1. Statuta Javnog preduzeća za prostorno planiranje i uređenje grada "Zenica" d.o.o. Zenica ("Sl. novine Općine Zenica" br. 6/2008), Odluke o dopuni Statuta ("Sl. novine općine Zenica" br. 10/11 od 14.12.2011. godine), i Odluke o izmjeni od 11.12.2014. godine, a na prijedlog Nadzornog odbora Javnog preduzeća za prostorno planiranje i uređenje grada "Zenica" d.o.o. Zenica, Gradonačelnik, vršeći ovlaštenja Skupštine Javnog preduzeća, donosi:

O D L U K U

O IZMJENI I DOPUNI STATUTA

Član 1.

U članu 7. Statuta Javnog preduzeća za prostorno planiranje i uređenje grada "Zenica" d.o.o. Zenica vrši se izmjena i dopuna Statuta, odnosno Odluke o izmjeni i dopuni Statuta Javnog preduzeća za prostorno planiranje i uređenje grada "Zenica" d.o.o. Zenica broj 02-49-20967/11 od 04.11.2011. godine na način da se proširuje upisana djelatnost u sudski registar, te se nakon prethodne alinee dodaje sljedeći tekst: Tehničko ispitivanje i analiza; šifra 71.20.

Član 2.

Sve ostale odredbe Statuta Javnog preduzeća za prostorno planiranje i uređenje grada "Zenica" d.o.o. Zenica Odluke o izmjeni i dopuni Statuta Javnog preduzeća za prostorno planiranje i uređenje grada "Zenica" d.o.o. Zenica broj 02-49-20967/11 od 04.11.2011. godine i Odluke o izmjeni Statuta Javnog preduzeća za prostorno planiranje i uređenje grada "Zenica" d.o.o. Zenica od 11.12.2014. godine ostaju nepromjenjene.

Član 3.

Odluka stupa na snagu danom donošenja i ista će se objaviti u "Sl. novinama Općine Zenica".

Broj: 02-49-7755/15

Zenica, 20.04.2015. godine

GRADONAČELNIK

Husejin Smajlović, s.r.

KOMISIJA ZA PROPISE

74.

Na osnovu člana 3. Odluke o izmjenama Odluke o osnivanju Općinskog pravobranilaštva Zenica («Službene novine Grada Zenica», broj 2/15) i člana 35. f) alineja 7. Poslovnika Vijeća općine («Službene novine općine Zenica», broj 2/10), Komisija za propise Gradskog vijeća Zenica na sjednici održanoj 21. aprila 2015. godine, utvrdila je prečišćen tekst

ODLUKE

o osnivanju Gradskog pravobranilaštva Zenica

I

Prečišćen tekst Odluke o osnivanju Gradskog pravobranilaštva Zenica obuhvata: Odluku o osnivanju Opštinskog pravobranilaštva Zenica («Službene novine općine Zenica», broj 5/14) i Odluku o izmjenama Odluke o osnivanju Opštinskog pravobranilaštva Zenica («Službene novine Grada Zenica», broj 2/15)) u kojima je označen dan stupanja na snagu Odluke odnosno Odluke o izmjenama.

II

Prečišćen tekst Odluke o osnivanju Gradskog pravobranilaštva Zenica objaviće se u «Službenim novinama Grada Zenica».

Broj: 01-01-7879/15

Zenica, 21. aprila 2015. godine

PREDSJEDNICA
KOMISIJE ZA PROPISE
Amira Kušundžija

ODLUKA

**O OSNIVANJU GRADSKOG
PRAVOBRANIŠTVA ZENICA
(prečišćen tekst)****I OSNOVNE ODREDBE****Član 1.**

Ovom Odlukom osniva se Gradsko pravobranilaštvo Zenica i uređuje: djelokrug, organizacija i način rada institucije pravobranilaštva, uslovi za izbor i razrješenje pravobranioca i njegovih zamjenika, saradnja sa drugim gradskim organima i tijelima, sredstva za rad i druga pitanja od značaja za početak rada i funkcionisanje Gradskog pravobranilaštva.

Član 2.

Sjedište Gradskog pravobranilaštva je u Zenici, ulica: _____.

Član 3.

Gradsko pravobranilaštvo je samostalna institucija koje svoju funkciju vrši u skladu sa Ustavom, a na osnovu zakona, drugih propisa i gradskih akata.

Član 4.

Gradski pravobranilac je zakonski zastupnik Grada koji poduzima pravna sredstva i mjere radi pravne zaštite imovine i imovinskih interesa Grada Zenica.

Gradsko pravobranilaštvo obavlja i druge poslove određene Zakonom.

Član 5.

Gradsko pravobranilaštvo ima pečat. Pečat je okruglog oblika i izrađuje se u dvije veličine, prečnika 50 mm i 25 mm.

Pečat sadrži tekst: Bosna i Hercegovina, Federacija Bosne i Hercegovine; Zeničko-dobojski kanton; Grad Zenica, Gradsko pravobranilaštvo, koje se ispisuje u koncentričnim krugovima.

Član 6.

Na zgradi u kojoj je smješteno Gradsko pravobranilaštvo mora biti istaknut naziv pravobranilaštva i grb Grada Zenica.

**II DJELOKRUG I ORGANIZACIJA
GRADSKOG PRAVOBRANIŠTVA****1. Djelokrug Gradskog pravobranilaštva****Član 7.**

Gradsko pravobranilaštvo vrši poslove zaštite imovine i imovinskih interesa Grada, njegovih organa, tijela, fondova i drugih subjekata koji nemaju svojstvo pravnog lica, a finansiraju se iz Budžeta Grada ili Grad vrši osnivačka prava u njima.

Gradsko pravobranilaštvo vrši poslove pravne zaštite imovine i imovinskih interesa javnih preduzeća, javnih ustanova i drugih pravnih lica koje po Zakonu osniva Grad, ako je to aktom o osnivanju propisano.

Član 8.

Gradsko pravobranilaštvo zastupa Grad i pred stranim sudovima, arbitražama i drugim stranim državnim organima i organizacijama, ako Gradonačelnik ne odluči drugačije iz opravdanih razloga.

Član 9.

U procedurama donošenja općih akata, kojima se uređuju imovinsko-pravni odnosi, prava i obaveze prema stvarima u vlasništvu Grada, obavezno se pribavlja mišljenje Gradskog pravobranilaštva.

2. Organizacija Gradskog pravobranilaštva**Član 10.**

Funkciju Gradskog pravobranilaštva vrši Gradski pravobranilac i njegov zamjenik.

Gradski pravobranilac predstavlja pravobranilaštvo, rukovodi njegovim radom i vrši druga prava i dužnosti u skladu sa Zakonom.

Član 11.

Gradskog pravobranioca i njegovog zamjenika imenuje i smjenjuje Gradsko vijeće na prijedlog Gradonačelnika u postupku utvrđenim Zakonom o pravobranilaštvu ("Službene novine Zeničko-dobojskog kantona" broj: 12/13), a u skladu sa posebnim propisima.

Gradski pravobranilac imenuje se na četiri godine i može biti ponovo biran.

Član 12.

Zamjenik Gradskog pravobranioca obavlja poslove koje mu u okviru djelokruga pravobranilaštva odredi Gradski pravobranilac.

U zastupanju pred sudovima i drugim organima zamjenik Gradskog pravobranioca ima ovlaštenja Gradskog pravobranioca.

Zamjenik Gradskog pravobranioca imenuje se za obavljanje službe bez ograničenja trajanja mandata.

Član 13.

Za Gradskog pravobranioca može biti imenovana osoba koja ispunjava slijedeće uslove:

- Državljanstvo BiH,
- VSS, VII stepen stručne spreme, diplomu visokog obrazovanja, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja, pravne struke, položen pravosudni ispit i iskustvo u radu na poslovima u pravobranilaštvu, pravosudnim organima i drugim državnim organima, preduzećima i drugim pravnim osobama u trajanju od najmanje četiri godine nakon položenog pravnog ispita, kao i druge uslove utvrđene posebnim propisima.

Za zamjenika Gradskog pravobranioca može biti imenovana osoba koja ispunjava slijedeće uslove:

- Državljanstvo BiH,
- VSS, VII stepen stručne spreme, diploma visokog obrazovanja, odnosno prvog (240 ECTS bodova), drugog ili trećeg ciklusa Bolonjskog sistema studiranja, pravne struke, položen pravosudni ispit i iskustvo u radu na pravnim poslovima u pravobranilaštvu, pravosudnim organima i drugim državnim organima, preduzećima i drugim pravnim osobama u trajanju najmanje tri godine nakon položenog pravosudnog ispita, kao i druge uslove utvrđene posebnim propisima.

Član 14.

Prije stupanja na dužnost Gradski pravobranilac i njegov zamjenik daju svečanu izjavu pred Gradskim vijećem.

Izjava glasi: **“Izjavljujem da ću se u vršenju službe gradskog pravobranioca/zamjenika pravobranioca pridržavati Ustava i Zakona Bosne i Hercegovine, Zeničko-dobojskog kantona i Statuta Grada Zenica i da ću službu obavljati savjesno.**

Član 15.

Gradski pravobranilac i njegov zamjenik ne mogu vršiti službu ili posao koji bi mogao imati uticaj na njihovu samostalnost, neovisnost ili posao koji je nespojiv sa službom pravobranioca.

O nespojivosti službe ili posla iz prethodnog stava odlučuje Gradonačelnik o čemu upoznaje Gradsko vijeće.

Član 16.

Mandat gradskog pravobranioca prestaje nastupanjem jedne od okolnosti i to:

- a) istekom perioda na koji je imenovan,
- b) kad napuni godine starosti za obavezan odlazak u penziju,
- c) podnošenjem ostavke,
- d) smjenjivanjem s dužnosti,
- e) ako trajno izgubi radnu sposobnost.

Gradski pravobranilac može podnijeti pisanu ostavku na svoju dužnost.

Ostavka se podnosi Gradonačelniku, a mandat gradskog pravobranioca po ovom osnovu prestaje na dan kad Gradsko vijeće prihvati ostavku.

Kad pravobranilac ispuni zakonske uslove za obavezan odlazak u penziju zbog starosti njegov mandat prestaje danom ispunjenja godina starosti.

Član 17.

(smjenjivanje s funkcije)

Postupak za smjenu pravobranioca ili njegovog zamjenika pokrenut će se u slijedećim slučajevima:

- a) ako je osuđen za krivično djelo koje ga čini nedostojnim za obavljanje službe,
- b) ako je učinio težu povredu službene dužnosti zbog koje je narušen ugled službe,
- c) ako neuredno ili nekvalitetno obavlja službu.

Prijedlog za smjenu pravobranioca ili njegovog zamjenika Gradskom vijeću podnosi Gradonačelnik, uz obrazloženje razloga za smjenu.

Prijedlog se dostavlja Gradskom vijeću nakon izjašnjenja pravobranioca odnosno njegovog zamjenika.

Odluku o smjeni pravobranioca ili njegovog zamjenika donosi Gradsko vijeće.

Član 18.

(Prava po prestanku mandata gradskog pravobranioca)

Gradskom pravobranioocu koji nakon isteka mandata ne bude ponovo imenovan, a ne postoji mogućnost da se rasporedi na radno mjesto na koje je bio raspoređen prije imenovanja ili drugo radno mjesto koje odgovara

njegovoj stručnoj spremi, pripada pravo na plaću u visini njegove plaće za posljednji mjesec mandata, uključujući zdravstveno i penziono osiguranje do ponovnog zasnivanja radnog odnosa, a najduže dvanaest mjeseci nakon isteka mandata, u kojem periodu je u radnom odnosu u Gradskom pravobranilaštvu.

Naknada iz prethodnog stava ne pripada gradskom pravobraniocu, odnosno njegovom zamjeniku kad bude razriješen zbog podnošenja ostavke ili bude smijenjen.

Član 19.

Gradski pravobranilac, odnosno njegov zamjenik bit će udaljen od vršenja službe ako je protiv njega određen pritvor.

Rješenje o udaljenju od vršenja službe gradskog pravobranioca, odnosno njegovog zamjenika donosi Gradsko vijeće na obrazložen prijedlog Gradonačelnika.

III UNUTRAŠNJA ORGANIZACIJA

Član 20.

Unutrašnja organizacija Gradskog pravobranilaštva utvrđuje se Pravilnikom o unutrašnjoj organizaciji kojeg donosi Gradski pravobranilac uz saglasnost Gradonačelnika.

Pravilnikom iz prethodnog stava uređuje se obavljanje stručnih i administrativnotehničkih poslova kao i broj državnih službenika i namještenika potrebnih za ostvarivanje funkcija Gradskog pravobranilaštva.

IV ODNOS GRADSKOG PRAVOBRANILAŠTVA PREMA VIJEĆU I GRADONAČELNIKU

Član 21.

Gradsko pravobranilaštvo podnosi jednom godišnje Gradskom vijeću i Gradonačelniku izvještaj o svom radu u okviru kojeg ukazuje na uočene pojave i probleme u primjeni zakona i drugih propisa od značaja za ostvarivanje svoje funkcije.

V SREDSTVA ZA RAD GRADSKOG PRAVOBRANILAŠTVA

Član 22.

Sredstva za rad Gradskog pravobranilaštva osiguravaju se u Budžetu Grada Zenica.

Član 23.

Finansijsko i materijalno poslovanje pravobranilaštva obavlja se na način i po procedurama koje važe za gradske službe.

Član 24.

(Plaće i naknade)

Koeficijenti za obračun plaće Gradskog pravobranioca i njegovog zamjenika, te službenika i namještenika u Gradskom pravobranilaštvu, utvrđuju se odlukom Gradskog vijeća.

Naknade I druga primanja uređuju se aktom Gradonačelnika.

Član 25.

Sredstva koja prilikom zastupanja ostvari pravobranilaštvo prihodi su Budžeta Grada Zenica.

VI ZAVRŠNE ODREDBE

Član 26.

Prečišćeni tekst Odluke o osnivanju Gradskog pravobranilaštva Zenica obuhvata: Odluku o osnivanju Općinskog pravobranilaštva Zenica ("Službene novine općine Zenica", broj: 5/14) i Odluku o izmjenama Odluke o osnivanju Općinskog pravobranilaštva Zenica ("Službene novine Grada Zenica", broj: 2/15), u kojima je označen dan stupanja na snagu istih.

SADRŽAJ

GRADSKO VIJEĆE

60. Odluka o izmjeni Odluke o komunalnim taksama	1
61. Odluka o dodjeli mandata kandidatima za predsjednika i članove savjeta MZ "Gorica"	1
62. Odluka o dodjeli mandata kandidatu za člana savjeta MZ "Bistrica"	2
63. Rješenje o pretvaranju dijela javne površine u građevinsko zemljište	2
64. Rješenje o razrješenju Općinske izborne komisije Zenica	3

GRADONAČELNIK

65. Tarifnik o visini naknade za korišćenje javnih površina	4
66. Rješenje o imenovanju direktora JU „Dom - porodica“ Zenica	6
67. Zaključak o davanju saglasnosti na Odluku o razrješenju vršioca dužnosti direktora JP "Parking servis" d.o.o. Zenica	7
68. Zaključak o davanju saglasnosti na Odluku o imenovanju vršioca dužnosti direktora JP "Parking servis" d.o.o. Zenica	7
69. Zaključak o odobravanju unošenja naziva Grada Zenica u naziv udruženja	8
70. Zaključak o odobravanju unošenja naziva Grada Zenica u naziv udruženja	8
71. Zaključak o stavljanju van snage zaključka o odobravanju sredstava na ime troškova utvrđivanja nastupa smrti, vremena i uzroka smrti građana umrlih izvan zdravstvene ustanove na području općine Zenica	8
72. Registar budžetskih korisnika grada Zenica	9
73. Odluka o izmjeni i dopuni statuta	10

KOMISIJA ZA PROPISE

74. Odluke o osnivanju Gradskog pravobranilaštva Zenica	10
Odluka o osnivanju gradskog pravobranilaštva Zenica (prečišćen tekst)	11